

Mesej Empat

Kecantikan Pengantin Perempuan

Bacaan Bible: Roma 6:19, 22; Ef. 5:25-27; Wahi 19:7-9; 1 Tes. 5:23; Kid. 8:13-14

I. Proses pengudusan dari segi disposisi ialah proses penyelamatan organik kita untuk menjadikan kita cantik agar menjadi pengantin Kristus yang cantik, kudus, dan mulia—1 Tes. 4:3a; 1 Ptr. 1:15-16; Ef. 1:4-5; 5:25-27; 1 Tes. 5:23-24; Roma 6:19, 22:

A. Efesus 5:25-27 mewahikan keseluruhan penyelamatan lengkap Tuhan dengan membentangkan Kristus dalam tiga tahap kepada kita:

1. Dahulu, Kristus sebagai Penebus menyerahkan diri-Nya untuk gereja untuk penebusan judicial kita—"Para suami, kasihilah isterimu, bahkan sebagaimana Kristus juga mengasihi gereja dan menyerahkan diri-Nya untuk gereja"—ay. 25.
2. Sekarang, Kristus sebagai Roh beri-hayat sedang menguduskan gereja dari segi disposisi dengan menepui gereja dengan elemen-Nya supaya dia dapat menjadi pasangan-Nya; inilah penyelamatan organik yang merupakan pencantikan pengantin dan persiapan pengantin—"Supaya Dia dapat menguduskan gereja, dengan membersihkannya melalui pembasuhan air dalam sabda"—ay. 26.
3. Pada masa akan datang, Kristus sebagai Pengantin Lelaki akan mempersembahkan gereja sebagai pasangan-Nya kepada diri-Nya untuk kepuasan-Nya—"Supaya Dia dapat mempersembahkan kepada diri-Nya gereja yang mulia, tanpa bintik atau kedut atau apa-apa yang sama seperti ini; sebaliknya, supaya gereja dapat menjadi kudus dan tanpa cacat cela"—inilah pemuliaan kita untuk mempersembahkan pengantin perempuan—ay. 27.
4. Dahulu, Kristus menyerahkan diri-Nya untuk gereja; sekarang, Dia sedang menguduskan gereja; dan pada masa akan datang, Dia akan mempersembahkan gereja sebagai pasangan-Nya kepada diri-Nya untuk kepuasan-Nya; oleh itu, Kristus mengasihi gereja adalah untuk menguduskan gereja, dan Kristus menguduskan gereja adalah untuk mempersembahkan gereja yang mulia kepada diri-Nya.

B. Kecantikan pengantin perempuan berasal daripada Kristus yang digarapkan ke dalam gereja dan disinari keluar daripada gereja agar diekspresikan menerusi gereja—Yes. 43:7; Ef. 3:21.

C. Kristus ialah mahkota kemuliaan dan diadem kecantikan kepada saki-baki umat-Nya—Yes. 28:5:

1. Mahkota adalah seperti topi atau serban, manakala diadem ialah cekak kepala yang merupakan bahagian yang tercantik dan termulia pada mahkota—Kel. 28:36-39; 29:6; Yes. 62:3.
2. Kita perlu terus-menerus menatap keindahan Tuan dalam gereja yang merupakan rumah indah-Nya supaya kita dapat ditransform daripada kemuliaan kepada kemuliaan, dicantikkan oleh Tuan, untuk menjadi pengantin-Nya yang cantik dengan mempunyai Dia menjadi diadem kecantikan kita—2 Kor. 3:18; Wahi 19:7-9; Yes. 28:5; Mzm. 27:4; Yes. 60:1, 7, 9, 13, 19; 62:3; Wahi 21:11.

II. Kerja utama Tuan dalam pemulihan ialah kerja-Nya yang sebenar bagi mempersiapkan kita menjadi pengantin-Nya yang mulia; tanpa pengudusan dari segi disposisi secara berterusan, yang dibicarakan dalam Efesus 5:26, pengantin perempuan tidak dapat dipersiapkan; dengan demikian, Wahi 19:7-9 juga tidak dapat digenapi:

A. Gereja dicantikkan menerusi proses pengudusan, melalui Kristus yang merupakan Roh beri-hayat membersihkan kita melalui pembasuhan air dalam sabda-Nya—Ef. 5:26-27:

1. Hal ini menunjukkan bahawa dalam sabda Kristus terdapat Roh itu yang merupakan air hayat; sabda yang dibicarakan-Nya kepada kita ialah roh dan hayat—Yoh. 6:63.
 2. Sebagai Roh beri-hayat, Kristus ialah Roh yang berbicara; apa-apa yang dibicarakan-Nya ialah sabda yang membasuh kita; ini bukan merujuk kepada *logos*, iaitu sabda sepanjang masa, tetapi *rhema*, yang bermakna sabda ketika itu, yakni sabda yang dibicarakan Tuan kepada kita pada waktu terkini—Mat. 4:4; Yoh. 6:63; Wahi 2:7; 22:17a; bd. Yes. 6:9-10; Mat. 13:14-15; Kis. 28:25-31.
 3. Pembicaraan Kristus ialah Roh itu; pembicaraan-Nya ialah hadirat Roh beri-hayat itu sendiri—Yoh. 6:63; Ef. 6:17.
 4. Kristus yang huni secara dalaman sebagai Roh beri-hayat sentiasa membicarakan sabda yang semasa, terkini, dan hidup, untuk membasuh pergi apa-apa yang lama secara metabolik dan menggantikannya dengan yang baru, dengan itu menghasilkan transformasi dalaman.
- B. Menerusi proses pembasuhan sedemikian, kita ditepui Kristus dan dicantikan oleh Kristus untuk menjadi pengantin-Nya yang kudus, cantik, serta mengekspresikan Tuhan, yakni pengantin yang tidak ada cacat cela atau ketidaksempurnaan—Wahi 19:7; bd. Kid. 6:13; 8:13-14.
 - C. Kristus sebagai Roh beri-hayat menguduskan gereja dengan membersihkan gereja menurut pembasuhan air dalam sabda; menurut konsep divin, *air* di sini merujuk kepada hayat Tuhan yang mengalir, yang ditamsilkan oleh air yang mengalir (Kel. 17:6; 1 Kor. 10:4; Yoh. 7:37-39; Wahi 7:17; 21:6; 22:1, 17); kini kita berada dalam proses pembasuhan ini, agar gereja dapat menjadi kudus dan tanpa cacat cela.
 - D. Perkataan Yunani bagi *pembasuhan* dalam Efesus 5:26 secara literal bermakna *bejana pembasuhan*; dalam Wasiat Lama, hentar menggunakan bejana pembasuhan untuk membasuh pergi kecemaran bumiah mereka (Kel. 30:18-21); hari demi hari, pagi dan petang, kita perlu datang kepada Bible dan dibersihkan melalui bejana pembasuhan, yakni air dalam sabda.
 - E. Paulus menggunakan perkataan Yunani *rhema* ketika dia berbicara berkenaan sabda serta proses pembasuhannya (Ef. 5:26); *logos* ialah Sabda Tuhan yang tercatat dalam Bible secara objektif; *rhema* ialah sabda Tuhan yang diucapkan kepada kita pada masa yang khusus (Mrk. 14:72; Luk. 1:35-38; 5:5; 24:1-8).
 - F. *Rhema* mewahikan sesuatu kepada kita secara peribadi dan secara langsung, menunjukkan kepada kita hal yang perlu kita tanggulangi dan hal yang perlu dibersihkan daripada kita (bejana pembasuhan diperbuat daripada tembaga, merupakan cermin yang dapat memantul dan mendedah—Kel. 38:8); perkara yang penting bagi setiap kita ialah: Adakah Tuhan membicarakan sabda-Nya kepada saya hari ini?
 - G. Satu perkara yang sentiasa kita hargai ialah Tuan masih berbicara kepada kita secara peribadi dan secara langsung pada hari ini; pertumbuhan sebenar dalam hayat bergantung pada kita menerima sabda secara langsung daripada Tuhan; hanya pembicaraan-Nya dalam kita yang mempunyai nilai rohani yang sebenar—Ibr. 3:7-11, 15; 4:7; Mzm. 95:7-8.
 - H. Butir utama doa kita seharusnya ialah kita mendambakan pembicaraan Tuan; ini membolehkan kita menggenapkan matlamat ekonomi abadi-Nya menurut hasrat hati-Nya untuk memperoleh pengantin perempuan sebagai pasangan-Nya—Wahi 2:7; bd. 1 Sam. 3:1, 21; Amos 3:7.
 - I. Dalam erti kata yang sangat praktikal, hadirat Tuan adalah satu dengan pembicaraan-Nya; setiap kali Dia berbicara, kita sedar akan hadirat-Nya dalam kita; pembicaraan Kristus ialah hadirat Roh beri-hayat.
 - J. Pembicaraan Kristus yang huni secara dalaman sebagai Roh beri-hayat dalam kita merupakan air yang membersihkan, yang meletakkan elemen baru ke dalam kita untuk menggantikan elemen lama dalam sifat dan disposisi kita; pembersihan

metabolik ini menyebabkan orang mempunyai perubahan dalaman yang sejati dalam hayat; inilah realiti pengudusan dari segi disposisi dan transformasi.

- K. Kita harus dicantikkan oleh Kristus yang merupakan Roh beri-hayat yang berbicara dalam roh kita; menerusi pembicaraan Tuan dalam kita sebagai Roh beri-hayat, kita menjadi gereja-Nya yang mulia—Ef. 5:26-27; Wahi 2:7.

III. Efesus 5:27 mewahikan bahawa gereja sebagai pengantin Kristus akhirnya akan menjadi gereja yang mulia, yakni gereja yang mengekspresikan Tuhan, “tanpa bintik atau kedut atau apa-apa yang sama seperti ini; sebaliknya, supaya gereja dapat menjadi kudus dan tanpa cacat cela”:

- A. Satu-satunya kecantikan kita merupakan penyinaran keluar Kristus dari dalam kita; apa yang dihargai Kristus dalam kita ialah ekspresi diri-Nya dalam kita—Mzm. 50:2; 2 Kor. 3:15-18; bd. Kel. 28:2:
1. “Matamu akan melihat Raja dalam kecantikan-Nya” (Yes. 33:17a); “Raja akan mendambakan kecantikanmu” (Mzm. 45:11a).
 2. “Engkau cantik, kasihku, bagaikan Tirza, / Indah bagaikan Yerusalem, / Dahsyat bagaikan angkatan tentera yang membawa panji-panji”—Kid. 6:4.
- B. Pengantin perempuan dipersiapkan bermaksud bahawa dia berpakaian “linen halus yang terang lagi bersih”; linen halus ialah “keadilanbenaran-keadilanbenaran pekudus” (Wahi 19:8); linen halus ini ialah kecantikan pengantin perempuan.
- C. Pada hari perkahwinannya, pengantin lelaki lebih memberi perhatian kepada kecantikan pengantin perempuannya daripada kebolehannya; Tuan Yesus, Tuhan kita, terutamanya memberi perhatian kepada kecantikan diri-Nya diekspresikan menerusi keinsanan kita; kita perlu dicantikkan oleh Kristus setiap hari supaya kita dapat dipersiapkan untuk dipersembahkan kepada Kristus sebagai pengantin perempuan yang dikasihi-Nya.
- D. Setiap kali kita meluangkan masa untuk menatap keindahan Tuan dalam sabda-Nya dengan mendoa-baca dan merenungi sabda-Nya (Ef. 6:17-18; Mzm. 119:15), Dia menjadi kecantikan kita, dan kita dicantikkan-Nya untuk menjadi rumah indah-Nya supaya Dia juga dapat dicantikkan (27:4; 2 Kor. 3:18; Yes. 60:7b, 9b, 13b, 19b, 21b).
- E. Pembasuhan air dalam sabda dalam Efesus 5:26 terutamanya menanggulangi bintik dan kedut; bintik merujuk kepada sesuatu yang berasal daripada hayat alamiah, dan kedut berkaitan dengan ketuaan; hanya air hayat yang dapat membasuh pergi kecacatan ini secara metabolik melalui transformasi hayat.
- F. Menjadi kudus bererti ditepui Kristus dan ditransform oleh Kristus; menjadi tanpa cacat cela bererti tidak berbintik dan tidak berkedut, iaitu tidak mempunyai apa-apa yang berasal daripada hayat alamiah yang kepunyaan manusia lama kita—bd. Kid. 4:7.
- G. Gereja juga tidak mempunyai “apa-apa yang sama seperti ini”; ini bermakna bahawa gereja tidak akan ada “kelemahan ini atau itu”; Tuhan akan membawa gereja ke satu tahap, iaitu tidak ada apa-apa yang dapat dikatai berkenaannya dalam apa jua aspek—Ef. 5:27.

IV. Efesus 5:26-27 berpadanan dengan Kidung Agung 8:13-14; kedua-duanya mewahikan bahawa melalui pembicaraan Tuan kepada kita, kita dipersiapkan menjadi pengantin-Nya yang mulia, serta menghasratkan kedatangan kedua-Nya—“O engkau yang tinggal di taman-taman, / Teman-teman aku mendengar suaramu; / Biar aku mendengarnya. / Datanglah segera, kekasihku, / Dan jadilah seperti gazel atau anak rusa jantan / Di atas gunung-gunung rempah”:

- A. Dalam Kidung Agung pencari yang mengasihi Kristus memohon kepada Dia yang tinggal dalam percayawan yang merupakan taman-Nya agar dia juga dapat mendengar suara-Nya sementara teman-temannya mendengar suara-Nya—8:13; bd. 4:13-16; 5:1; 6:2:

1. Ini menunjukkan bahawa semasa kita sebagai pencinta Kristus melakukan kerja untuk Dia yang merupakan Kekasih kita, kita perlu mengekalkan persekutuan kita dengan-Nya, sentiasa mendengar-Nya—Luk. 10:38-42.
 2. Hayat kita bergantung pada sabda Tuan dan kerja kita bergantung pada perintah-Nya (Wahi 2:7; 1 Sam. 3:9-10; bd. Yes. 50:4-5; Kel. 21:6); tanpa sabda Tuan, kita tidak ada wahi, cahaya, atau pengetahuan peribadi tentang Kristus yang merupakan Raja kita (Yes. 6:1, 5), Tuan kita (2 Kor. 5:14-15), Kepala kita (Kol. 2:19), dan Suami kita (2 Kor. 11:2); seumur hidup percayawan bergantung sepenuhnya pada pembicaraan Tuan (Ef. 5:26-27).
- B. Sebagai kata penutup Kidung Agung, buku yang puitis ini, pencinta Kristus berdoa agar Kekasihnya akan datang segera dalam kudrat kebangkitan-Nya (gazel dan anak rusa jantan) untuk menubuhkan kingdom-Nya yang manis dan indah (gunung-gunung rempah), yang akan memenuhi seluruh bumi—8:14; Wahi 11:15; Dan. 2:35:
1. Doa sedemikian menggambarkan penyatuan dan persekutuan antara Kristus sebagai Pengantin Lelaki dengan pencinta-Nya sebagai pengantin perempuan dalam kasih pengantin mereka; ini seperti doa Yohanes (seorang pencinta Kristus) yang menjadi kata penutup Kitab Kudus, yang mewahikan ekonomi abadi Tuhan berkenaan Kristus dan gereja dalam kasih divin-Nya—Wahi 22:20.
 2. “Datanglah, Tuan Yesus!” merupakan doa terakhir dalam Bible (ay. 20); seluruh Bible berakhir dengan kedambaan terhadap kedatangan Tuan yang dinyatakan sebagai doa.